

ՁԵԿՈՅՑ ՀՈԳԵԽՈՐ ՀՈՎԻՈՒ

Միրելի անդամներ ծխական ժողովի,

Հայաստանեայց Առաքելական Ս. Եկեղեցւոյ Թորոնթոյայ համայնքի Տարեկան ծխական ժողովին, սիրով կ'ողջունենք Ձեր մասնակցութիւնը, յանուն Հիւսիսային Ամերիկայի Արեւելեան թեմի Առաջնորդ Գերաշնորհ Տ. Թորգոմ Ս. Արքեպիսկոպոս Մանուկեանի:

Այս հանդիսաւոր պահուն, երախտագիտութեան պարտք մը ունինք, ոգեկոչելու անմոռաց յիշատակը բոլոր այն անձնուէր ու զոհարերող հայորդիներուն, որոնք նախանձախնդրութեան օրինակելի նուիրումով, իրենց հայու քրիստոնէական հաւատքը ծաղկեցուցին այս հիւրընկալ փերուն վրայ, ու կեանքի միւս փէն, կը շարունակեն ներշնչել մեզ, կատարելու մեր սեպուհ պարտքը, հայ անունը առաւել եւս բարգաւաճ դարձնելու Գանատական այս քրիստոնեայ երկրին մէջ:

Մենք, ժառանգորդներս անոնց լոյս տեսիլքին, եկած ենք ահա պատասխանատուութեան խոր գիտակցութեամբ, Լրիւ տարուան մը գործունէութեանց բարոյական եւ նիւթական հաշուեկշիռը կատարելու, եւ ժամանակի պահանջքին համաձայն նոր եւ աւելի հիմնական ծրագրումներով, կենսական որոշումներ առնելու, մեր եկեղեցւոյ եւ համայնքային կեանքի առաւել զօրացման եւ տեւականացման համար:

Անցնող տարին մեր եկեղեցւոյ եւ համայնքի կեանքին համար եղաւ ուրիշ նշանակալից տարի մը, եկեղեցապատկան մարմիններու համերաշխ ու ներդաշնակ գործակցութեամբ:

Պատուարժան ծխական խորհուրդը, բաղկացած մեծաւ մասամբ երիտասարդ ուժերէ, իր ուսերուն տարաւ համայնքի մը կազմակերպչական, դժուարին, այլ պատասխանատու դեկավարութիւնը:

Հետեւելով իր նախորդներուն աննախապաշար եկեղեցասիրութեան ու անսակարկ հայրենասիրութեան, պատուարժան ծխական խորհուրդը, շարունակեց իրեն վստահուած առաքելութիւնը, կենդանի եւ խանդավառ գործունէութիւններով, հայ ազգային ոգիին գործնական արտայայտութիւնը ներշնչել հայ սերունդներու կեանքին մէջ:

Օր ըստ օրէ թուական քանակով աճող մեր համայնքին համար սակայն տակաւին անմիջական կարիքը ունինք Հայց. Առաքելական Եկեղեցւոյ առաքելութեան ուղիղ ճանաչումին բուն նշանակութեան: Դառն եւ ճակատագրական փորձառութենէ անցած մեր ժողովուրդը, զգացած է արդարեւ Հայց. Եկեղեցւոյ շերմացնող ու զօրացնող աներեւոյթ ուժը: Այսօր, արտասահմանի մէջ, Հայց. Եկեղեցւոյ վիճակուած է ամենէն աւելի ազգային զոյուրեան հինքնԱՊԱՄՏՊԱՆՈՒԹԻՒՆԸ:

Մենք, անկեղծ գնահատութեամբ կ'արձանագրենք թէ, Թորոնթոյայ համայնքը սկիզբէն ի վեր միշտ զօրավիգ կանգնած է իր հոգեւոր եւ ազգային արժէքներուն պահպանման, եւ երբեք սակարկութեան չէ նստած հատուածական շահերով, եւ ամէն առիթով իր ճշմարիտ հայու սրտաբուխ ԼՈՒՄԱՆ ներմուծած է Հայց. Եկեղեցւոյ գանձանակին մէջ, ինչ տաղաւարելու համար իր հոգեկան եւ մտաւոր արժէքներուն գումարը:

Թորոնթոյի Հայց. Առաքելական Եկեղեցւոյ համայնքի անդրանիկ սեպհական եկեղեցւոյ օժման 20-ամեակի նախօրեակին, յետադարձ ակնարկ մը, կը բաւէ վեր առնելու ամբողջական նուիրումը համայնքի մը, որ ոչ միայն ապահովեց իր առօրեայ զոյութիւնը յարաբերաբար հայախօս սերունդ մը հասցնելով, այլ մանաւանդ երկարեց իր օգնութեան ձեռքը, հասնելով Երուսաղէմ, Կ. Պոլիս եւ նիւ Երրք, ինչ ուր, օգնութեան եւ պարտականութեան կարիքը զգաց:

Հետեւաբար, այս պատկառելի ժողովը նիւթական 202ափելի իրագործումներէն աւելի, պէտք է ջանայ հետամուտ ըլլալ քարձրացնելու եկեղեցւոյ հեղինակութիւնը, եւ միջոցներ որոնէ ապահովելու մեր համայնքին մէջ ապրող իւրաքանչիւր Հայց.Առաքելական Եկեղեցւոյ անդամի մասնակցութիւնը:

Ասիկա հիմնական սկզբունք կը նկատենք, մեր ինքնապաշտպանութեան համար: Որովհետեւ այս շատ պարզ եւ սակայն հիմնական սկզբունքին ուղիղ գործադրութենէն կախում ունի մեր ազգային գործերուն ներդաշնակութիւնը:

Փոքրիկ քննութիւն մը, ցոյց պիտի տայ, սակայն, թէ Հայց.Եկեղեցւոյ սէրը ոմանց համար պղտոնական է, այսինքն մտքի, համոզումի եւ պարտականութեան վրայ չէ հիմնուած անոնց եկեղեցասիրութիւնը:

Ան որ կը սիրէ իր եկեղեցին, պէտք է որ ապրի անով եւ անոր համար:

Իբրեւ հայ եւ քրիստոնեայ՝ պէտք է որ իւրաքանչիւր անդամ անոր շուրջ դառնայ եւ իր տեղը գրաւէ անոր ներքին կեանքին մէջ: Պէտք է սրտանց սիրել Հայց.Եկեղեցին որ Մայրենի Եկեղեցին է բոլոր հայութեան, խափանելու համար ներքին քայքայումի աշխատանքը: Այն ատեն մենք, մեր փոքրիկ զոհողութիւններով առաւել եւս պիտի զարդարուինք սիրոյ եւ խաղաղութեան առաքինութիւններով, իրագործելու համար մեր քրիստոնէական կոչումը արթնութեամբ, եռանդով եւ սրբութեամբ:

Անցնող տարի գրեթէ լրիւ մեր ժամանակին մեծագոյն մասը անցուցինք եկեղեցւոյ մէջ, հասնելով ծխական խորհուրդի գրասենեակի աշխատանքներուն, եւ մեր կարողութեան չափով օժանդակեցինք եկեղեցւոյս եւ երիտասարդացի 'ՆՈՐ ՄԵՐՈՒՆՔ' մասաթերթին: Այս աշխատանքները կատարեցինք, տեսնելով մեր եկեղեցւոյ զաւակներուն մօտ հետզհետէ աճող պատասխանատուութեան գիտակցութիւնը: Յոռետես ըլլալու պատճառ չունինք, եւ սակայն կարիքը ունինք միշտ մեր եկեղեցւոյ առաւել կենսունակութեան համար, նոր կազմակերպչական ծրագրումներու:

— 'Ոչ է հայոյ մեզ թողուլ զԲանն Աստուծոյ եւ պաշտել զսեղանս', առաքելական պատուէրը, սրբազան առաքելներուն հետ մենք եւս պարտաւորուած ենք կրկնելու, հրաւիրելու Ձեզ բոլորդ միասնաբար բերելու Ձեր սրտագին մասնակցութիւնը, եկեղեցւոյ վարչական եւ կազմակերպչական գործունէութեանց, հոգեւոր հովիւին ձգելով եկեղեցական եւ հոգեւորական գործերու մատակարարումը:

Այս պարագան մասնաւոր կերպով կը շեշտենք, քանի որ յաճախ մենք դժուարին կացութեան մատնուած ենք, մեր իրական անձէն դուրս: Մեր սիրտը կարողաւ զիտցողները միայն կրնան տեսնել թէ մենք ոեւէ յետին միտք չենք ունեցած մեր եկեղեցւոյ ոեւէ անդամի հակառակ: Բաց աստի, սակայն, եթէ մենք տկարութիւնը ունեցանք ոեւէ մէկը վիրաւորելու, հրապարակաւ Ձեր ներողամտութիւնը կը խնդրենք: Բոլորս ալ զաւակներն ենք միեւնոյն հոգեւոր ընտանիքին, եթէ չկարենանք զիրար ծանչնալ մեր տկարութիւններով եւ մեր թերութիւններով եւ միասնաբար դարմանել զանոնք, անկարելի է որ մենք կարենանք իրագործել մեր եկեղեցւոյ հաւաքական կեանքի յարատեւութիւնը:

Անցնող տարուան ընթացքին շնորհընկալ այցելութիւնները ընդունեցանք հետեւեալ հոգեւոր հայրերուն եւ եղբայրներուն.—

- 1.— Մարտ 17, 1972 Շաքաթավերջին, Հոգեշնորհ Տ.Օշական Վրդ. Մինասեան Պոսթոնէն, Մեծ Պահոց Երիտասարդական հաւաքին առիթով:
- 2.— Մայիս 10, 1972 Գերշ. Տ. Տիրայր Ս. Եպիսկոպոս Մարտիկեան, Առաջնորդ հայոց Ռուսմանիոյ եւ Պուլկարիոյ թեմերուն:
- 3.— Յուլիս 1-2, 1972 Գերշ. Տ. Թորգոմ Ս. Արքեպսկ. Մանուկեան, Առաջնորդ հայոց Ամերիկայի, Հ.Բ.Ը. Միութեան Ամերիկայի Շրջանի 58-րդ Տարեկան Համագումարին առիթով: Առաջնորդ Ս. Հայրը Կիրակի օր պատարագեց եւ քարոզեց Ս. Եկեղեցւոյս մէջ եւ կատարեց Գոհաբանական մաղթանք Գանատայի Սահմանադրութեան 105-րդ տարեդարձին առիթով:
- 4.— Արժ. Տ. Սահակ Ա. Քահանայ Պալեան, Մոնթրէալէն:

- 5.- Յուլիս 23, 1972 Արժ.Տ.Սահակ Ա.Քհնյ.Շաքարեան Եզիպտոսէն:
- 6.- Յուլիս 26, 1972 Հոգ2.Տ.Արիս Ժ.Վրդ.Շիրվանեան դէպի Ս.Էջմիածին
ճամբուն վրայ:
- 7.- Օգոստոս 21, 1972 Հոգ2.Տ.Մեսրոպ Ժ.Վրդ.Սէմէրճեան Հարթֆրոտէն:
- 8.- Դեկտեմբեր 30, 1972 Հոգ2.Տ.Վազգէն Վրդ.Քէշիշեան, Նիակարա ֆուլգէն:

Անցնող տարուան ընթացքին երկու շաբաթավերջեր հարկադրուեցանք բացակայիլ համայնքէս, մեր մասնակցութիւնը բերելու համար նախ թեմական 70-րդ Տարեկան ժողովին Մայիս 3-7, 1972 Ուոթըրվիլէթ, Ն.Յ.Ս.Պետրոս Հայց.Եկեղեցւոյ մէջ: Երկրորդ, Հայց.Եկեղեցւոյ Կարաց Դասերու Միութեան Տարեկան Համագումարին Հոկտեմբեր 20-22, 1972 Գլիվլէնտ, Օհայօ Ս.Գրիգոր Նարեկացի Հայց.Եկեղեցւոյ մէջ:

Առաջնորդ Ս.Հօր հրահանգով եւ պատուարժան ծխական խորհուրդի կարգադրութեամբ Առաջնորդարանի վերջին երկու տարուան իրազործումներուն ծանօթացման յայտազրին մասնակցեցանք Հոկտ.24-26, 1972 Նիւ Եորքի մէջ: Այս առթիւ մեզի համար նոր փորձառութիւն եղաւ իտեւելու նաեւ Սէնսիթիվիթի Թրէյնինկի յայտազրին, կարող հոգեբան Սթիվ Զարացեանի առաջնորդութեամբ:

Անցնող տարեշրջանի յիշատակելի իրազործումներէն ամենէն կարեւորը կը նկատենք Եկեղեցասէր Տիկնանց Միութեան խմբական ուխտագնացութիւնը դէպի Ս.Էջմիածին եւ Հայաստան: Եկեղեցասէր Տիկնանց Միութիւնը իր վարչութեան նախաձեռնութեամբ, հանգամանքէն օգտուելով սրտաբուխ հանգանակութեան ձեռնարկեց, ապահովելով իր բոլոր անդամներուն եւ համակիրներուն կամաւոր մասնակցութիւնը, շօշափելի նուէրով եւ երկու ոսկեզօծ կանթեղներով իրենց եկեղեցասէր սրտին ընծան մատուցանեցին Ս.Էջմիածնի պայծառութեան, ի գոհունակութիւն Ամենայն Հայոց Վեհափառ Հայրապետին, իրենց ժրջան Առենապետուհի Տիկին Յասմիկ Աֆարեանի ձեռամբ:

Այսպիսի ուխտագնացութիւններ ազգային-եկեղեցական գետնի վրայ մօծ զարկ կրնան տալ Մայր Աթոռի եկեղեցական բարձր ինքնակութեան պահպանման եւ մեր ազգապահպանման ջանքերուն:

Կ'առաջադրենք որ պատկառելի այս ժողովը, եկեղեցւոյս օժման 20-ամեակի առիթով, նախաձեռնէ Ազգային Ուխտագնացութեան մը յառաջիկայ Աշնան դէպի Ս.Էջմիածին եւ Հայաստան: Մենք քաջ համոզուած ենք որ ազգութեան հիմը Հայրենիքի սէրն է: Մեր միակ կենսունակութիւնը իբրեւ հայ արտասահմանի մէջ կրնանք գտնել միայն Հայրենիքի իրականութեամբ: Հայրենիք մը, որ իր նահատակ քաջերուն 'վարդագոյն արեամբ պսակուած', այսօր դարձած է լոյսի եւ յոյսի կոռուանը հանուր հայութեան:

Վստահ ենք որ օրէ օր բարգաւաճող Հայոց Հայրենիքի լոյս իրազործումներն ու Միածնաէջ Տամարի պատմական վեհացնող ներշնչումները արդար հպարտութեամբ եւ մանաւանդ լաւատեսութեամբ պիտի լեցնեն ազնիւ սրտերը իւրաքանչիւր ուխտաւոր Թորոնթոնայեցիներուն:

Ու Ամենայն Հայոց Ծնորհագարդ Հայրապետը Լուսաւորչի առաքելական Գահէն հայրական սիրով ու հայրապետական օրհնութեամբ պիտի ողջունէ իր ուխտաւոր պանդուխտ զաւակները, որոնք զաւակները մէկ եւ նոյն մեծ Հայրենիքին, այդ հայրենիքին փրկութեան ու բարգաւաճման համար պիտի տան ինչ որ ունին, 'գոյիւ չափ գկեանս իւր', իրենց սէրը ծրարած իրենց տուածին մէջ:

Ըլլալով եկեղեցական համայնք մը, անհրաժեշտ կը նկատենք անդրադառնալ եկեղեցւոյս Կարաց Դասի գործունէութեան, քանի որ ամենէն աւելի այս մարմինն վիճակուած է առանց բացառութեան ամէն կիրակի ներկայ գտնուիլ եւ իրենց ներդաշնակ եւ հոգեպարար երգեցողութեամբ առաջնորդել համայնքը Աստուածային պաշտամունքին: Կը գնահատենք Ս.Սեդանի սպասարկու Բարեշնորհ Վարդան Արկ.Վարդանեանի, պատուակալ դպրապետ Տիար Արթօ Գավուքեանի եւ ինքահամբոյր երգեհոնահար Տիկին Արաքսի Գասարճեանի ջանքերը անդամներուն ներկայութիւնը ապահովելու եկեղեցի:


Տակաւին կը սիրենք յուսալ թէ, նուիրումը եւ զոհողութեան ոգիով մեր եկեղեցւոյ զաւակները պիտի շարունակեն ծաղկեցնել Աստուածային պաշտամունքը, Հայց.Յկեղեցւոյ անսասնութեան համար: Այս ուղղութեամբ տարուած ոեւէ դրական աշխատանք, ամէն գնահատանքէ վեր է:

Մեր ջերմագին շնորհակալութիւններն ու շնորհաւորութիւնները, ծխական խորհուրդի իւրաքանչիւր անդամի, եկեղեցապատկան մարմիններու վարչութիւններուն եւ Ձեզ բոլորիդ Սիրելի անդամներ, որ կարողացանք Աստուծոյ օրհնութեան շնորհիւ եւ համագործակցութեամբ ու համերաշխութեամբ նշանակալից արդիւնքներով իրագործել մեր սրբազան առաքելութիւնը այս հիւրընկալ փերուն վրայ:

Յաւէտ թող անսասն մնայ Հայաստանեայց Առաքելական Ս.Յկեղեցին Մայր Աթոռ Ս.Էջմիածինով եւ նուիրապետական աթոռներով:

Յաջողութիւն այս ժողովին եւ Աստուածային օրհնութիւն Ձեզ բոլորիդ:

Յունուար 28, 1973
Թորոնթօ, Գանատա


Թիբայր Արդ. Թաշնցան
Հոգևոր Հովի
